



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS;  
*manè discutienda in Scholis Medicorum die Jovis undecimâ Januarii*  
*Anno M. DCC. XLII.*

M. LUDOVICO-FLORENTIO BELLOT,  
Doctore Medico, Præside.

*An, in diuturnioribus evacuationibus, raro Adstringentia?*

I.



AULATIM exhaustiunt corpus evacuationes quæ naturæ modum excedunt diutiusque perseverant. Infirmatur enim in dies tandemque concidit vis illa quâ vivimus, quæque functiones exercentur, ubi, continuâ humorum utilium egestionem, suo pabulo defraudantur partes. Quocumque modo fiant, à quocumque loco fluant evacuationes quæ vehementiores sunt, si diù protrahantur, eandem perniciem afficiunt.

Δ

ferunt. Sic in eodem statu subsistere non possunt, sed quasi ruinâ retro revolvuntur quibus aut fusior alvus est, aut jam durat sanguinis profluvium. Sic enervantur & contabescunt quas pertinaciter infestat, mulieribus adeò familiaris, solique parcens infantiae, fluor albus. Nec minora secum invehit incommoda, hominem debilitans, succorumque rescipientium spoliator, Diabetes. Modo non dispare, vires exolvuntur, ubi fere id omne, quod in nutrimentum assumptum est, nocturnis sudoribus diffluit.

## I I.

**L**ONGARUM evacuationum effectus idem, causa multiplex. Scilicet succorum lentor, obstructio partis, egerendi humoris appulsus uberior & patentior exitus. Turgere vasa uteri, etiam ultrâ modum menstruis fluentibus, satis evincunt lumborum coxarumque pertinax dolor, & gravitatis in hypogastrio sensus. Exuperantem hanc aggesti sanguinis molem, unde varicibus vasa tument & dehiscunt, procul dubio lentor efficit, conspirante interdum fibrarum rigore. Rarò continuat hæmorrhagia quam fecit sanguinis justò fluidior *crassus*. Omnem diarrhœam antecedit alterius excretionis defectus: Idem de sudoribus nocturnis judicium esto. Quemadmodum enim, apertis quæ sudori & perspirationi exitum præbent ostiis, siccatur alvus; sic illa liquidior est, ubi his effluviis via intercluditur. Itaque hæc negato humoribus transitu, aliò confluunt, assiduoque impetu iter sibi sternunt eò facilius, quod continuo diluvio laxatur partis ad quam excurrunt textura. Ergò si diuturnis tutò mederi vis evacuationibus, impedimenta remove quæ legitimæ humorum distributioni obstant, Hunc scopum rarò attinges Adstringentibus.

## I I.

**A**DSTRINGENTIA medicamenta vocant, quæ tenuiorem & plus æquo evolutam succorum *crasim*, ad debitum crassitudinis & quietis gradum reducere valent, adeoque immodicam egestionem ab eorum subtilitate & concitatore motu exortam cohibere. Ex iis, nonnulla Absorbentibus affinia sunt; plurima glutinosis constant partibus; alia potentioris efficacie, salibus facta sunt saporis acidi vel austeri plus minùsve terrenâ substantiâ involutis. Hæc verè Adstringentia seu *Styptica* perhibentur, cum non modò majorem humoribus crassitiem inducant, sed insuper fibris admota laxiorem earum texturam valide stringant & quasi corrugent. Inde patet in quo differant ab Adstringentibus *Tonica*. Hæc enim spiritus erigunt, fibras ad-

valentiores motus suscitant, humores agunt & extenuant: illa solidorum vim coercent, densantque succorum molem. Quantum autem utilitatis præ se ferunt Adstringentia in sistendis evacuationibus quas promover humorum dissolutio, tantum afferunt noxæ in iis quibus ansam causamque præbet obstructio. Siquidem morbus non tollitur sed mutatur. Presso namque pede Cachexia sequitur aut Hydrops immedicabilis. Cum autem pauca perdurent egestiones præternaturales quas non excitent partis alicujus infarctus humorumque tarditas & lentor, raram inveniet usurpandorum adstringentium occasionem emunctæ naris Medicus.

# I V.

**N** I H I L repugnante naturâ Medicina proficit. Evacuationum diuturnarum finem frustra moliris, si non satis tibi perspecta est causa: quæ inordinatas humorum excursions promovet. Ne igitur ludas operam; quid eas præcesserit, quæ assueta defecerint, sollicitus inquiras. Sic, malè judicatis febribus sudores nimios alvique profluvia, suppressis iis quæ juxta consuetudinem fluebant, hanc vel illam sæpissime succedere evacuationem intelliges. Tunc, retentis menstruis supervenientem narium hæmorrhagiam, non adstringentibus, sed iis quæ devium sanguinem ad inferiora revocant aut infarctus uteri solvunt, compescere meditaberis. Tunc viscerum colluviem fecundam putredinis dissolutionisque parentem purgantibus eluendo, uberiorem siccabis sudorum scaturiginem. Nec stupebis, nihil juvantibus *Stypticis*, dysenteriam attenuantibus sanari, aperientibus diluentibusque fluorem album, Diabetem *Tonicis*, *Diapnoicis* importunam catarrhorum illuviem, Catharticis & Narcoticis diarrhœam. Quæ quidem remedia, non, Adstringentium more; fibras validius coarctant, succosque inspissant, sed tardis pigrisque humoribus debitum fluiditatis gradum conciliant, noxia eliminant, pristinum fibris restitunt vigorem adeoque obstructionis causas diluunt. Desine ergo ejusdem remedii dispares effectus mirari. Menfes ciëntur à *Marsialibus* quæ uteri contumaces hæmorrhagias cohibent. Dysenteria curatur *Acidulis* quæ aliis strictam alvum ducunt. Sublatis enim obicibus quæ æquabilem succorum distributionem arcebant, functionum ordinem brevi restitutum iri palam est.

# V.

**M** A L E rebus ægrotantis prospicitur, ubi superstitè primariâ causâ, diuturniores evacuationes adstringentibus præpediunt.

tur. Scilicet in deterius immutari morbum liquet, auctâ partis obstructione, aut translati ad viscera pravis humoribus. Hinc suppressis hæc pessimâ methodo hæmorrhagiis aliisve profluviis, ulcera, scirrhus, hydropem & cætera ejusdem pernicipiæ mala præstò sequi novum non est. Objicies, fractis jam morbo viribus, effectâ proinde fibrarum virtute, universam dissolvi sanguinis molem; idque vitium tolli *Stypticis*, Attenuantibus augeri. Verum languente arteriarum motu crassescunt humores. Certiorem longioribus quàm recentibus dysenteriiis affert medelam radix Brasiliensis. Illa tamen incidit, dividit, attenuat. Non ideo ableganda censemus Adstringentia; suum è contra symbolum conferant ad cohibendas diuturniores evacuationes auctores sumus, quotiescumque, nullâ remanente obstructione, stringi tantum postulat debilitatæ partis laxitas. At rarò hæc contingunt.

*Ergò, in diuturnioribus evacuationibus, rarò Adstringentia.*

#### DOMINI DOCTORES DISPUTATURI.

M. Joannes-Baptista - Ludovicus Chomet, Medicus Regis ordinarius.

M. Hyacinthus-Theodorus Baron.

M. Ludovicus - Maria Pouffe.

M. Antonius Casamajor.

M. Raymundus de la Rivière.

M. Franciscus - Josephus Hunauld, Regiæ Scientiarum Academia, & Regiæ Societatis Londinensis Socius, in Horto Regio Anatomæ & Chirurgiæ Professor ac demonstrator.

M. Joannes-Baptista Mongin, Medicus Regis ordinarius.

M. Michaël Procope Couteaux, Scholarum Professor.

M. Joannes Claudius Adrianus Helvetius, Regi à Sanctioribus Consiliis, Regineque Medicus primarius & è Regiâ Scientiarum Academia.

Proponebat Parisiis URBANUS DE VANDENESSE, Parisinus, Baccalaureus Medicus, A. R. S. H. 1742, à sextâ ad meridiem.